

ACTA DA MESA DE CONTRATACIÓN DO 16 DE DECEMBRO DE 2021

Ás 08:20 horas do día 16 de decembro de 2021, reúnese a Mesa de Contratación do Concello de Vigo, en sesión virtual a través da canle Cisco Webex Meetings, convocada pola presidenta o 13 de decembro, para tratar os asuntos da orde do día que figuran na convocatoria.

Asisten á reunión da Mesa de Contratación:

Presidenta: D^a. Patricia Rodríguez Calviño

Vocais: D^a. María Isabel Fernández Gabriel, vogal suplente da titular da Asesoría Xurídica
D^a. Olga Gómez Corbal, vogal suplente do interventor xeral
D^a. Susana Gallardo Fariña, vogal suplente do secretario xeral do Pleno
D^a. María Cristina Chao Polo, xefa do Servizo de Festas

Secretaria: D^a. Ángela Fernández López, suplente da xefa do Servizo de Contratación

Aberta a sesión pola Sra. presidenta procédese a tratar os puntos incluídos na orde do día:

11.- Propostas de adjudicación

a) Procedemento aberto para a contratación do servizo de produción técnica de soporte dos actos dos Reis Magos no Nadal 2022 (8.985-335)

A secretaria pregunta aos membros asistentes se teñen algún conflito de intereses co licitador clasificado en primeiro lugar neste procedemento. Ningún dos asistentes manifesta ter conflito de intereses con eles.

LEXISLACIÓN APLICABLE

- Lei 9/2017, do 8 de novembro, de contratos do Sector Público, pola que se traspoñen ao ordenamento xurídico español as Directivas do Parlamento Europeo e do Consello 2014/23/UE e 2014/24/UE, do 26 de febreiro de 2014
- Real decreto 817/2009, de 8 de maio, polo que se desenvolve parcialmente a Lei 30/2007, de 30 de outubro, de contratos do sector público (RLCSP)
- Real decreto 1098/2001, de 12 de outubro, polo que se aproba o regulamento xeral da Lei de contratos das Administracións Públicas (RLCAP), no que non se opoña ao Real decreto lexislativo 3/2011
- Prego de cláusulas administrativas particulares que rexe o procedemento aberto para a contratación do servizo de produción técnica de soporte dos actos dos Reis Magos no Nadal 2022 (8.985-335)



Copia do documento - Concello de Vigo	Data impresión: 12/05/2024 20:04	Páxina 1 de 9
ACTAS PERFIL CONTRATANTE	CSV: ADAF48-C9D626-56C6AF-MXE68G-G9U2WG-F1	
Pode validar e/ou obter copia electrónica do documento utilizando o código QR da esquerda ou o código de verificación na dirección http://www.vigo.org/csv		

ANTECEDENTES

Primeiro.- Con data do 29 de outubro de 2021 a Xunta de Goberno local, acordou:

"Primeiro: Aprobar o expediente de contratación polo procedemento aberto e tramitación ordinaria do contrato da prestación do servizo de xestión de diversos traballos técnicos, equipamentos e infraestruturas básicas necesarias para a produción técnica e servizos auxiliares de soporte dos actos dos Reis Magos, tales como a CABALGATA DE REIS 2022, RECEPCIÓN DOS REIS MAGOS e VISITA DOS REIS MAGOS a centros hospitalarios e asistenciais.

Segundo: Aprobar o Prego de Prescricións Técnicas de 20 de outubro de 2021 e o Prego de Cláusulas Administrativas Particulares, do 21 de outubro de 2021 redactado pola Xefa do Servizo de Contratación.

Terceiro: Autorizar o gasto polo importe base de licitación 113.868,73 €, sendo o valor estimado do contrato de 94.106,39 € con cargo a aplicación orzamentaria 3380.226.0901 (Cabalgata de Reis) do programa orzamentario de Festas para o exercicio 2022.

Cuarto: Abrir o procedemento de licitación para a selección do contratista na forma prevista na lexislación vixente".

Segundo.- A concelleira delegada de Contratación, por delegación da Xunta de Goberno local (acordo do 20 de xuño de 2019), o 26 de novembro de 2021 adoptou a seguinte resolución:

"Primeiro.- Clasificar, de acordo cos criterios de adxudicación sinalados no prego, as proposicións admitidas neste procedemento aberto para a contratación do servizo de produción técnica de soporte dos actos dos Reis Magos no Nadal 2022 (8.985-335) na seguinte orde descendente:

- Lote 1: Cabalgata de reis

	Licitador	Puntuación
1	TROSMA PRODUCCIONES, S.L.U.	100,00
2	EVENTOS ESPECTACULARES DEL NOROESTE, S.L.U.	70,41

- Lote 2: Recepción dos Reis Magos

	Licitador	Puntuación
1	SACAFERRO, S.L.	100,00

- Lote 3: Caracterización, transporte e acompañamento dos Reis Magos



Servizo de
CONTRATACIÓN

CONCELLERÍA
DE
CONTRATACIÓN

CONCELLO
DE VIGO



	Licitador	Puntuación
1	EVENTOS ESPECTACULARES DEL NOROESTE, S.L.U.	95,00
2	SACAFERRO, S.L.	65,60

- Lote 4: Servizo de ambulancia

	Licitador	Puntuación
1	AMBULANCIAS RÍAS BAIXAS, S.L.	100,00
2	EVENTOS ESPECTACULARES DEL NOROESTE, S.L.U.	76,20

Segundo.- Requirir aos licitadores clasificados en primeiro lugar, TROSMA PRODUCCIONES, S.L.U. (B-32.495.061), SACAFERRO, S.L. (B-27.704.980), EVENTOS ESPECTACULARES DEL NOROESTE, S.L.U. (B-27.858.398) e AMBULANCIAS RÍAS BAIXAS, S.L. (B-36.794.113), para que presenten, no prazo de dez días hábiles, a contar desde o seguinte a aquel no que reciban o requirimento, a seguinte documentación (artigo 150.2 LCSP):

1. Declaración responsable de non estar incurso en prohibición de contratar.
2. A documentación esixida nas cláusulas 8 e 22 do prego de cláusulas administrativas particulares (PCAP). Lémbrese que no lote 2 deberá acreditarse a habilitación profesional esixida no apartado 5G do Anexo I.
3. Resgardo da garantía definitiva esixible de acordo co disposto na cláusula 24 do prego de cláusulas administrativas particulares”.

Terceiro.- Esta resolución foi notificada aos licitadores clasificados en primeiro lugar, TROSMA PRODUCCIONES, S.L.U. (B-32.495.061), SACAFERRO, S.L. (B-27.704.980), EVENTOS ESPECTACULARES DEL NOROESTE, S.L.U. (B-27.858.398) e AMBULANCIAS RÍAS BAIXAS, S.L. (B-36.794.113), o día 26 de novembro de 2021, que presentan a documentación requirida dentro do prazo concedido (que remataba o 14 de decembro).

Faise constar que AMBULANCIAS RÍAS BAIXAS, S.L. presentou documentación os días 14 e 15 de decembro se ben o Tribunal Administrativo Central de Recursos Contractuales vén admitindo a posibilidade de emenda da documentación no trámite do artigo 150.2 da LCSP (entre outras, Resolución nº 806/2019).

Cuarto.- A Mesa de Contratación na sesión do 16 de decembro de 2021 revisou a documentación presentada, sendo esta correcta, polo que acordou, por unanimidade dos membros presentes, propoñer ao órgano de contratación a adxudicación deste procedemento.

FUNDAMENTOS XURÍDICOS



Copia do documento - Concello de Vigo	Data impresión: 12/05/2024 20:04	Páxina 3 de 9
ACTAS PERFIL CONTRATANTE	CSV: ADAF48-C9D626-56C6AF-MXE68G-G9U2WG-F1	
Pode validar e/ou obter copia electrónica do documento utilizando o código QR da esquerda ou o código de verificación na dirección http://www.vigo.org/csv		

Primeiro.- A nosa lexislación contractual impón ao órgano de contratación a obriga de adxudicar o contrato dentro dos cinco días hábiles seguintes á recepción da documentación. O acordo de adxudicación deberá ser motivado, notificarase aos licitadores e, simultaneamente, publicarase no perfil de contratante no prazo de quince días (artigo 151.1 LCSP).

Recibida tanto a documentación presentada polos licitadores clasificados en primeiro lugar en cada un dos lotes, TROSMA PRODUCCIONES, S.L.U., SACAFERRO, S.L., EVENTOS ESPECTACULARES DEL NOROESTE, S.L.U. e AMBULANCIAS RÍAS BAIXAS, S.L., como a solicitada de oficio pola Administración municipal e, comprobado que esta é correcta, procede adxudicar este contrato.

Segundo.- A competencia para formular a proposta de adxudicación ao órgano de contratación correspóndelle á Mesa de Contratación. A proposta realizarase a favor do licitador que teña presentado a mellor oferta, de conformidade coo disposto no artigo 145, segundo proceda de conformidade co prego de cláusulas administrativas particulares que rexa a licitación.

A oferta máis vantaxosa para a administración contratante é a formulada por TROSMA PRODUCCIONES, S.L.U. (lote 1), SACAFERRO, S.L. (lote 2), EVENTOS ESPECTACULARES DEL NOROESTE, S.L.U. (lote 3) e AMBULANCIAS RÍAS BAIXAS, S.L., (lote 4), de conformidade co informe de valoración das proposicións aviables mediante fórmula do 24 de novembro de 2021.

Terceiro.- A competencia para a resolución deste expediente correspóndelle á Xunta de Goberno local (apartado 4 da disposición adicional segunda da LCSP), na súa calidade de órgano de contratación.

En base ao que antecede, propónse á Xunta de Goberno local como órgano de contratación, en uso das facultades que lle confire a lexislación vixente, a adopción do seguinte acordo:

"Adxudicar a TROSMA PRODUCCIONES, S.L.U. (B-32.495.061) o lote 1 "Cabalgata de Reis" do procedemento aberto para a contratación do servizo de produción técnica de soporte dos actos dos Reis Magos no Nadal 2022 (8.985-335) coas seguintes condicións:

1º.- O prezo total do lote é de 70.748,05 euros, sendo o importe correspondente ao IVE de 12.278,59 euros e cunha porcentaxe única de desconto a aplicar aos prezos consignados no apartado 3.G das FEC do PCAP do 15,15%.

2º.- O responsable de coordinación do evento en traballos de produción de espectáculos ou eventos similares á Cabalgata de Reis ten 15 anos de experiencia.



Copia do documento - Concello de Vigo	Data impresión: 12/05/2024 20:04	Páxina 4 de 9
ACTAS PERFIL CONTRATANTE	CSV: ADAF48-C9D626-56C6AF-MXE68G-G9U2WG-F1	
Pode validar e/ou obter copia electrónica do documento utilizando o código QR da esquerda ou o código de verificación na dirección http://www.vigo.org/csv		

3º.- *Reduce os tempos nas tarefas de montaxe e desmonte dende as 16:00 do 4 de xaneiro e desmonte antes das 16:00 do 6 de xaneiro*

4º.- *Incrementa o número mínimo de auxiliares do grupo V en 4.*

Adxudicar a SACAFERRO, S.L. (B-27.704.980) o lote 2 "Recepción dos Reis Magos" do procedemento aberto para a contratación do servizo de produción técnica de soporte dos actos dos Reis Magos no Nadal 2022 (8.985-335) coas seguintes condicións:

1º.- *O prezo total do lote é de 22.568,06 euros, sendo a cota correspondente ao IVE a de 3.916,77 euros.*

2º.- *O responsable de PRL da montaxe e desmonte das infraestruturas ten 10 anos de experiencia.*

3º.- *Redución de tempos nas tarefas de montaxe e desmonte dende as 16:00 do 4 de xaneiro e desmonte antes das 16:00 do 6 de xaneiro.*

4º.- *Incrementa o número mínimo auxiliares do grupo V en 4.*

Adxudicar a EVENTOS ESPECTACULARES DEL NOROESTE, S.L.U. (B-27.858.398) o lote 3 "Caracterización, transporte e acompañamento dos Reis Magos" do procedemento aberto para a contratación do servizo de produción técnica de soporte dos actos dos Reis Magos no Nadal 2022 (8.985-335) coas seguintes condicións:

1º.- *O prezo total do lote é de 14.399,00 euros, sendo o importe correspondente ao IVE de 2.499,00 euros e cunha porcentaxe única de desconto a aplicar aos prezos consignados no apartado 3.G das FEC do PCAP do 20%.*

2º.- *O coordinador/a de caracterización ten 5 anos de experiencia en traballos de caracterización.*

3º.- *Incremento o número mínimo (5) de traballadores/as para a realización de tarefas de acompañamento de nenos en 4.*

4º.- *Achega os seguintes recursos para a realización do evento:*

- *3 espellos de medio corpo con iluminación sobre mesa*
- *Carpa tipo "jaima" de 5x5 con mobiliario e luz interior para punto de encontro de nenos/as*

Adxudicar a AMBULANCIAS RÍAS BAIXAS, S.L. (B-36.794.113) o lote 4 "Servizo de ambulancia" do procedemento aberto para a contratación do servizo de produción técnica de soporte dos actos dos Reis Magos no Nadal 2022 (8.985-335) coas seguintes condicións:

1º.- *O prezo total do lote é de 2.000,00 euros, exento de IVE.*



Copia do documento - Concello de Vigo	Data impresión: 12/05/2024 20:04	Páxina 5 de 9
ACTAS PERFIL CONTRATANTE	CSV: ADAF48-C9D626-56C6AF-MXE68G-G9U2WG-F1	
Pode validar e/ou obter copia electrónica do documento utilizando o código QR da esquerda ou o código de verificación na dirección http://www.vigo.org/csv		

2º.- Mellora do modelo de ambulancia con respecto ao esixido na cláusula 3 do PPT: substitución de 2 ambulancias tipo SVB por 2 ambulancias tipo SVA o tipo C.

Todo iso de acordo cos pregos de prescricións técnicas e de cláusulas administrativas particulares aprobados por acordo da Xunta de Goberno e as ofertas presentadas”.

b) Procedemento aberto para a contratación do subministro de caramelos e agasallos para a Cabalgata de Reis 2022 e a visita dos Reis a centros sanitarios (9.001-335)

A secretaria pregunta aos membros asistentes se teñen algún conflito de intereses co licitador clasificado en primeiro lugar neste procedemento. Ningún dos asistentes manifesta ter conflito de intereses con el.

A continuación lembra que o 10 de decembro de 2021 se notificou a EVENTOS ESPECTACULARES DEL NOROESTE, S.L.U. (B-27.858.398) a resolución de clasificación e requirimento da documentación esixida na cláusula 22 e artigo 150.2 da LCSP.

Durante o prazo concedido, o 14 de decembro, o licitador presentou escrito no que expón:

"Con data 10 de decembro a mesa de contratación do Concello de Vigo propón a esta empresa como adxudicataria da licitación antes citada e se lle require a documentación para seguir cos trámites habituais en materia de contratación. Sen embargo, coa actual crise de suministros existente no mercado económico actual e a futura folga de transporte de mercadorías convocada para os próximos días polas principais plataformas do sector do transporte non podemos garantir a entrega da mercadoría relativa a este contrato nin en tempo nin en forma, polo que solicitamos sexa aceptada a nosa renuncia a seguir con este procedemento”.

De conformidade co disposto no citado artigo 150.2 da LCSP a Mesa entende retirada a oferta do único licitador admitido neste procedemento por non ter cumprimentado adecuadamente o requirimento e acorda, por unanimidade, formular a seguinte proposta ao órgano de contratación:

LEXISLACIÓN APLICABLE

- Lei 9/2017, do 8 de novembro, de contratos do Sector Público, pola que se traspoñen ao ordenamento xurídico español as Directivas do Parlamento Europeo e do Consello 2014/23/UE e 2014/24/UE, do 26 de febreiro de 2014
- Real decreto 817/2009, de 8 de maio, polo que se desenvolve parcialmente a Lei 30/2007, de 30 de outubro, de contratos do sector público (RLCSP)
- Real decreto 1098/2001, de 12 de outubro, polo que se aproba o regulamento



Copia do documento - Concello de Vigo	Data impresión: 12/05/2024 20:04	Páxina 6 de 9
ACTAS PERFIL CONTRATANTE	CSV: ADAF48-C9D626-56C6AF-MXE68G-G9U2WG-F1	
Pode validar e/ou obter copia electrónica do documento utilizando o código QR da esquerda ou o código de verificación na dirección http://www.vigo.org/csv		



xeral da Lei de contratos das Administracións Públicas (RLCAP), no que non se opoña ao Real decreto legislativo 3/2011

- Prego de cláusulas administrativas particulares para a contratación do procedemento aberto do subministro de caramelos e agasallos para a Cabalgata de Reis 2022 e a visita dos Reis a centros sanitarios (9.001-335)

ANTECEDENTES

Primeiro.- Con data do 19 de novembro de 2021 a Xunta de Goberno local acordou aprobar o expediente para a contratación, por procedemento aberto do subministro de caramelos e agasallos para a Cabalgata de Reis 2022 e a visita dos Reis a centros sanitarios (9.001-335).

Segundo.- A licitación foi obxecto de publicación no perfil de contratante o 22 de novembro de 2021, rematando o prazo de presentación de ofertas o 7 de decembro de 2021.

Segundo consta na Plataforma de Contratos do Sector Público e no certificado expedido polo Rexistro Xeral unicamente se presentou un licitador para cada un dos dous lotes, EVENTOS ESPECTACULARES DEL NOROESTE, S.L.U.

Terceiro.- A Mesa de Contratación, na sesión que tivo lugar o 10 de decembro de 2021 acordou admitir nos lotes 1 e 2 deste procedemento a EVENTOS ESPECTACULARES DEL NOROESTE, S.L.U. por ter presentado correctamente a documentación esixida no prego de cláusulas administrativas para declarar o cumprimento dos requisitos previos.

Cuarto.- A concelleira delegada de Contratación, por delegación da Xunta de Goberno local (acordo do 20 de xuño de 2019), o 10 de decembro de 2021 adoptou a seguinte resolución:

"Primeiro.- Clasificar, de acordo cos criterios de adxudicación sinalados no prego, as proposicións admitidas nos lotes 1 e 2 do procedemento aberto para a contratación do subministro de caramelos e agasallos para a Cabalgata de Reis 2022 e a visita dos Reis a centros sanitarios (9.001-335) na seguinte orde descendente:

Lote 1 "caramelos":

Orde	Licitador
1	EVENTOS ESPECTACULARES DEL NOROESTE, S.L.U.

- Lote 2 "agasallos":

	Licitador	Puntuación
1	EVENTOS ESPECTACULARES DEL NOROESTE, S.L.U.	100 puntos



Segundo.- Requerir ao licitador clasificado en primeiro lugar, EVENTOS ESPECTACULARES DEL NOROESTE, S.L.U. (B-27.858.398), para que presente, no prazo de dez días hábiles, a contar desde o seguinte a aquel no que reciba o requirimento, a seguinte documentación (artigo 150.2 LCSP):

1. Declaración responsable de non estar incurso en prohibición de contratar.
2. A documentación esixida nas cláusulas 8 e 22 do prego de cláusulas administrativas particulares (PCAP).
3. Resgardo da garantía definitiva esixible de acordo co disposto na cláusula 24 do prego de cláusulas administrativas particulares”.

Quinto.- Durante o prazo concedido, o 14 de decembro de 2021, EVENTOS ESPECTACULARES DEL NOROESTE, S.L.U. presentou escrito no que expoñía:

“Con data 10 de decembro a mesa de contratación do Concello de Vigo propón a esta empresa como adxudicataria da licitación antes citada e se lle require a documentación para seguir cos trámites habituais en materia de contratación. Sen embargo, coa actual crise de suministros existente no mercado económico actual e a futura folga de transporte de mercadorías convocada para os próximos días polas principais plataformas do sector do transporte non podemos garantir a entrega da mercadoría relativa a este contrato nin en tempo nin en forma, polo que solicitamos sexa aceptada a nosa renuncia a seguir con este procedemento”.

Sexto.- A Mesa de Contratación, na sesión do 16 de decembro de 2021, entendeu retirada a oferta do único licitador admitido neste procedemento ao abeiro do disposto no artigo 150.2 da LCSP.

FUNDAMENTOS XURÍDICOS

Primeiro.- A Mesa de Contratación é competente para propoñer deserta a licitación, ao abeiro do previsto no artigo 22.1g do Real Decreto 817/2009, no que se regulan as funcións das Mesas de Contratación.

Dado que nos lotes 1 “Caramelos” e 2 “Agasallos” deste procedemento o único licitador presentado e admitido é EVENTOS ESPECTACULARES DEL NOROESTE, S.L.U. e a Mesa entendeu retirada a súa oferta ao abeiro do disposto no artigo 150.2 da LCSP, procede declarar desertos os referidos lotes.

Á vista do exposto, propónse a Xunta de Goberno local, na súa calidade de órgano de contratación (disposición adicional segunda da LCSP), a adopción do seguinte acordo:



Copia do documento - Concello de Vigo	Data impresión: 12/05/2024 20:04	Páxina 8 de 9
ACTAS PERFIL CONTRATANTE	CSV: ADAF48-C9D626-56C6AF-MXE68G-G9U2WG-F1	
Pode validar e/ou obter copia electrónica do documento utilizando o código QR da esquerda ou o código de verificación na dirección http://www.vigo.org/csv		

Servizo de
CONTRATACIÓN

CONCELLERÍA
DE
CONTRATACIÓN

CONCELLO
DE VIGO



"Declarar desertos os lotes 1 "caramelos" e 2 "agasallos" do procedemento aberto para a contratación do subministro de caramelos e agasallos para a Cabalgata de Reis 2022 e a visita dos Reis a centros sanitarios (9.001-335) porque a Mesa de Contratación entendeu retiradas as ofertas presentadas polo único licitador presentado e admitido nos referidos lotes ao abeiro do disposto no artigo 150.2 da LCSP".

Non tendo máis asuntos que tratar, a presidenta declara finalizada a sesión ás 08:45 horas, logo dun receso de 10 minutos. De todo o tratado eu secretaria dou fe.

(Documento asinado dixitalmente polos membros da Mesa asistentes a esta sesión)



Copia do documento - Concello de Vigo	Data impresión: 12/05/2024 20:04	Páxina 9 de 9
ACTAS PERFIL CONTRATANTE	CSV: ADAF48-C9D626-56C6AF-MXE68G-G9U2WG-F1	
Pode validar e/ou obter copia electrónica do documento utilizando o código QR da esquerda ou o código de verificación na dirección http://www.vigo.org/csv		